

Sarajeva, na 37. sjednici održanoj dana 13.03.2024. godine, donijelo je

**ODLUKU  
O DODJELI KOLEKTIVNE "ŠESTOAPRILSKE  
NAGRADE GRADA SARAJEVA" U 2024. GODINI**

Član 1.

Dobitnik kolektivne "Šestoaprilske nagrade Grada Sarajeva" u 2024. godini je Udruženje "Renesansa", za značajna ostvarenja i značajne rezultate rada u oblasti zdravstva i socijalne zaštite.

Član 2.

Nagradu uručuje gradonačelnica Grada Sarajeva i predsjedavajući Gradskog vijeća na Svečanoj sjednici Gradskog vijeća.

Član 3.

"Šestoaprilska nagrada Grada Sarajeva" dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-428/24  
13. marta 2024. godine  
Sarajevo

Predsjedavajući  
Gradskog vijeća  
**Jasmin Ademović, s. r.**

**OPĆINA TRNOVO**

**Općinsko vijeće**

Na osnovu člana 2.12 stav (5) Izbornog zakona Bosne i Hercegovine a u vezi sa članom 2.16 stav 2. ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06,24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. tačka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 1/22- prečišćeni tekst, 13/22 i 78/23, u daljem tekstu: Uputstvo), člana 24. stav (1) alineja 18. Statuta Općine Općine Trnovo ("Službene novine Kantona Sarajevo", br. 12/08), Općinsko vijeće Trnovo, na 24. redovnoj sjednici održanoj dana 12.03.2024. godine, donijelo je

**ODLUKU**

**O OBJAVLJIVANJU JAVNOG OGLASA ZA  
IMENOVANJE JEDNOG ZAMJENSKOG ČLANA  
OPĆINSKE IZBORNE KOMISIJE OPĆINE TRNOVO**

Član 1.

(Predmet odluke)

Ovom Odlukom utvrđuje se obaveza Općinskog vijeća Trnovo da objavi javni oglas za imenovanje jednog zamjenskog člana Općinske izborne komisije Općine Trnovo (u daljem tekstu OIK), trajanje mandata i uslovi za imenovanje članova OIK, mjesto objavljivanja javnog oglasa, rok za podnošenje prijava i tekst Javnog oglasa.

Član 2.

(Trajanje mandata zamjenskog člana i uslovi za imenovanje)

Mandat zamjenskog član OIK-e traje do povratka sa porodiljskog odsustva članice OIK-e, a najduže do 21.01.2025. godine i teče od dana davanja saglasnosti Centralne izborne komisije Bosne i Hercegovine na odluku o imenovanju zamjenskog člana OIK-e.

Imenovani zamjenski član ima pravo na naknadu u skladu sa važećim propisima za vrijeme trajanja mandata zamjenskog člana za koje vrijeme se ne isplaćuje naknada članu OIK-e kojeg zamjenjuje.

U skladu sa Izbornim zakonom i Uputstvom, kandidat za zamjenskog člana OIK-e, mora ispunjavati opće i posebne uslove.

**Opći uslovi:**

- da je osoba sa pravom glasa;
- da je osoba sa odgovarajućom stručnom spremom i iskustvom u provođenju izbora.

**Posebni uslovi:**

- da ima prebivalište u općini Trnovo;
  - da ima završen fakultet VII/I stepen stručne spreme ili završen fakultet Bolonjskog sistema studiranja sa najmanje 180 ECTS;
  - da ima iskustvo u provođenju izbora.
- Pod iskustvom u provođenju izbora, podrazumijeva se:
- članstvo u izbornoj komisiji;
  - članstvo u biračkom odboru na izborima za organe vlasti u BiH.

Član 3.

(Mjesto oglašavanja i rok za podnošenje prijava)

Javni oglas, iz člana 1. ove Odluke, objavit će se na zvaničnoj web stranici Općine Trnovo i oglasnoj ploči Općine Trnovo u roku određenim članom 8. Uputstva.

Javni oglas ostaje otvoren 8 (osam) dana od dana objavljivanja se na zvaničnoj web stranici Općine Trnovo

Član 4.

(Sadržaj javnog oglasa)

Tekst javnog oglasa iz člana 1. ove Odluke, pored općih uslova propisanih zakonom, mora sadržavati i posebne uslove propisane u članu 2.2, 2.3. i 2.14 Izbornog zakona BiH i čl. 2., 3. i 4. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini, kao i vrijeme trajanja mandata.

Član 5.

(Komisija za provođenje postupka po javnom oglasu)

Općinsko vijeće će posebnim aktom imenovati komisiju za provođenje postupka po javnom oglasu (Konkursna komisija), u čijem sastavu obavezno mora biti najmanje jedan član pravne struke i/ili osoba sa izbornim iskustvom.

Član 6.

(Stupanje na snagu)

Ova Odluka stupa na snagu danom objave na oglasnoj ploči Općine Trnovo a naknadno će se objaviti u "Službenim novinama Kantona Sarajevo".

Broj 01-02-1249/24  
14. marta 2024. godine  
Trnovo

Predsjedavajuća  
Općinskog vijeća Trnovo  
**Amina Dedić, s. r.**

Odluka objavljena na oglasnoj ploči Općine Trnovo dana 14.03.2024. godine.

Na osnovu člana 7. tačka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 1/22 - Prečišćeni tekst,13/22 i 78/23), člana 19. stav (1) alineja 4. Statuta Općine Trnovo ("Službene novine Kantona Sarajevo", br. 12/08), Općinsko vijeće Trnovo, na 24. redovnoj sjednici održanoj dana 12.03.2024. godine, donijelo je